

O avrikidňipen andro organi le samospravnone krajengere

Informacija vaš o voličis

I

Datemos the časos, kana o avrikidňipen ačhel

O avrikidňipen andro organi le samospravnone krajengere ačhel

sombatone andro d'ives 4. novembbris 2017 le 7:00 orendar dži 22:00 ori

II

O čačipen te kidel avri

O čačipen kaj te kidel avri andro organi le samospravnone krajengere hin le občanos la Slovenskona republikakero the le avrethemeskeres, so les hin permanentno bešiben andro foros gav, so perel andre le samospravnone krajoskeri phuv (územie samosprávneho kraja), abo saves hin permanentno bešiben andro slugadžengero obvodos, so perel vaš e chasna le avrikidňipnaskeri andro organi le samospravnone krajoskere andre leskeri phuv (územie) (dureder ča "le samospravnone krajoskero bešutno") u najnasigeder andro d'ives, kana o avrikidňipen ačhel, dochudela 18 berš.

Kana le dženes nane čačipen kaj te kidel avri:

- te leskeri osobno sloboda hiňi odcirdľi le zakonostar, bo kampel te arakhel o sakonedženengero (verejno) sast'ipen,
- te o dženo hin andre bertena, bo kerďa varesavo igen baro phujiben.

III

O čačipen te ačhel avrikidno

Sar bičhado vaš le samospravnone krajoskero ačhad'ipen šaj ačhel avrikidno o bešutno, so les hin permanentno bešiben andro foros gav abo andro slugadžengero obvodos, so perel andre phuv (územie) le avrikidňipnaskere obvodoskero, andre savo jov kandidinel, u najnasigeder andro d'ives, kana o avrikidňipen ačhel, dochudela 18 berš.

Sar le samospravnone krajoskero predsedas šaj ačhel avrikidno o krajoskero bešutno, savo najnasigeder andro d'ives, kana o avrikidňipen ačhel, dochudela 25 berš.

Kana le dženes nane čačipen, kaj te ačhel avrikidno:

- kana o dženo hin andre bertena (ov chudňa ajso trestos, hoj leske odile leskeri sloboda),
- o dženo ačhil'a pravomocnones odsudzimen vaš oda, hoj džanindos kerďa varesavo trestno keriben, te kada, hoj les odsudzinde, na ačhil'a zaučhardo,
- le dženeske odcirdle e zor kaj te te kerel pravna keribena.

IV

Sar te del hlasos

O voličis šaj kidel avri ča andro foros gav, kaj permanentnones bešel, andro avrikidňipnaskero okrskos, kaj hino zapisimen andre le voličengero soznamos.

O voličis musaj, kana avel andro avrikidňipnaskero kher, te presikhavel la okrskovona komisijke leskeri identita pal kada, hoj anglethovel leskero občiansko preukazis abo o doklados pal o bešiben vaš o avrethemesker.

Paľis e okrskovo avrikidňipnaskeri komisia zakerekinela le voličeskero šorakero numeros andre le voličengero soznamos the dela avri le voličes duj avrikidňipnaskere kartki - e avrikidňipnaskeri kartka vaš o avrikidňipen andro ačhad'ipen the e avrikidňipnaskeri kartka vaš o avrikidňipen le predsedaskero le samospravnone krajoskero the čuči kopertka, pre savi hiňi uradno pečiatka le foroskeri gaveskeri (le foroskeri abo le foroskere kotoreskeri pečiatka). **O voličis potvrdzinel, hoj rešľas o avrikidňipnaskere kartki andre le voličengero soznamos leskere vlastnovasteskere podpisoha.**

Sako voličis musaj anglo avrikidňipen te džal andro osobitno than, kaj pes pririchtinen o avrikidňipnaskere kartki. Le voličiske, so na džala andro osobitno than, kaj pes prikeren o avrikidňipnaskere kartki, e okrskovo avrikidňipnaskeri komisia nadomukhela te del hlasos.

Pre avrikidňipnaskeri kartka vaš o avrikidňipen andro ačhad'ipen šaj o voličis zakerekinel najbuter ajci šoroskere čisli le kandidatengere, keci bičhade hin te ačhel avrikidne andro prislúšno avrikidňipnaskero obvodos. (Keci bičhade pes kiden avri andro avrikidňipnaskero obvodos, hin pisimen pre avrikidňipnaskeri kartka.)

Pre avrikidňipnaskeri kartka vaš le predsedaskero avrikidňipen šaj o voličis zakerekinel o šoroskero čislos ča jekhe kandidatoskero.

Andro osobitno than, kaj o avrikidňipnaskere kartki pes prikeren, thovel o voličis andre kopertka jekh avrikidňipnaskeri kartka vaš o avrikidňipen andro ačhad'ipen the jekh avrikidňipnaskeri kartka vaš o avrikidňipen le predsedaskero le samospravnone krajoskero. O voličis del hlasos avka, hoj paľis, sar mukhela o osobitno than, kaj o avrikidňipnaskere kartki pes prikeren, thovela e kopertka andre avrikidňipnaskeri baksica.

Kana o voličis kada mangel, e okrskovo avrikidňipnaskeri komisia les dela avri vaš o namištes prikerde avrikidňipnaskere kartki aver avrikidňipnaskere kartki. O voličis thovel o namištes prikerde avrikidňipnaskere kartki andre baksica, kaj pes thoven o nachasňarde abo namištes prikerde avrikidňipnaskere kartki.

O voličis, so na birinel korkoro te prikerel e avrikidňipnaskeri kartka, bo nane sasto abo vašoda, hoj na šaj genel abo pisinel, del te džanel kada la okrskovona avrikidňipnaskera komisijake. Les hin o čačipen kaj te lel peha andro than, kaj pes prikeren o avrikidňipnaskere kartki, aver sposobilo dženo, kaj kada dženo te prikerel e avrikidňipnaskeri kartka avka, sar o voličis kamel u sar kada kampel te kerel pal o zakonos, the te thovel e kartka andre kopertka. Angloda, sar soduj džene džana andro osobitno than, kaj pes prikeren o avrikidňipnaskere kartki, o členos la okrskovona avrikidňipnaskera komisijatar len dela god'i pal kada, sar kampel te del o hlasos the pal e skutkovo podstata le trestnone keribnaskeri, so kerel kada dženo, so mosarel o kisiťimén the o prenašad'ipen le avrikidňipnaskero (príprava a priebeh volieb). La okrskovona komisijakere členi našti prikeren o avrikidňipnaskere kartki vaš o voliči.

O voličis, so na birinel korkoro te thovel e kopertka andre avrikidňipnaskeri baksica, bo hino nasvalo, šaj mangel, kaj varesavo aver dženo thovel e kopertka andre avrikidňipnaskeri baksica. O voličis musaj te jel pritomno paš oda, kana o aver dženo kada kerel. Le členenge la avrikidňipnaskera komisijatar al'e nane domukhlo kada te kerel.

Le voličis, so našti avel andro avrikidňipnaskeri kher, bo les hin bare, perše sastipnaskere dovody, hin o čačipen te mangel o foros gav the andro d'ives, kana ačhel o avrikidňipen, e okrskovo avrikidňipnaskeri komisia, kaj te šaj del hlasos andre hordind'i avrikidňipnaskeri baksica. Kada al'e šaj ča andro phuvakero (uzemno) obvodos, andro savo hin o avrikidňipnaskero okrskos, so vaš leske e okrskovo avrikidňipnaskeri komisia kerd'il'as.

O voličis musaj te odthovel o nachasňarde abo namištes prikerde avrikidňipnaskere kartki andre zapečaťeno baksica, kaj pes o nachasňarde abo namištes prikerde avrikidňipnaskere kartki odthoven, avreder jov kerela prestupkos u resela pokuta 33 euri.